



Broj: 05-1-07-5-703-2/24
Sarajevo, 21.05.2024. godine
S.B.

TRANSPARENCY INTERNATIONAL Bosna i Hercegovina
Udruženje za borbu protiv korupcije Transparency International u BiH
Krfska 64E
78 000 Banja Luka

PREDMET: Obavještenje, dostavlja se,-
VEZA: Vaš akt, broj:02-156-I-P-1 od 15.05.2024. godine

U vezi vašeg akta od 17.05.2024. godine sa prilogom (odštampan tekst vijesti sa internet stranice opštine Nevesinje), u kojem navodite da ste prateći ponašanje svih subjekata od trenutka raspisivanja izbora došli do informacije da je Skupština opštine Nevesinje dana 08.05.2024. godine donijela Odluku o finansiranju maturske večeri učenika SŠC „Aleksa Šantić“, te da će za pokroviteljstvo ovog događaja iz budžetske rezerve biti izdvojena sredstva od 12.500,00 KM, ističemo sljedeće:

Odredbom člana 1.1a tačka 27) Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) (u daljem tekstu: Izborni zakon BiH) propisano je da je zloupotreba javnih sredstava i resursa bilo koje nezakonito korištenje sredstava i resursa države BiH, entiteta, kantona, Brčko distrikta BiH i drugih jedinica lokalne uprave i samouprave, kojim kandidati na izborima i izbornim listama, kao javni ili državni dužnosnici, ili neposredno izabrana lica, raspoložu za potrebe obavljanja službene dužnosti. Pod resursima se, u smislu ove definicije, podrazumijevaju pokretna i nepokretna imovina, kao i svi ljudski resursi javnih institucija koji se koriste u okviru radnog vremena.

Odredbom člana 7.2a stav (1) Izbornog zakona BiH propisano je da je nosiocima izvršne funkcije utvrđenim u članu 1.8 stav (6) ovog Zakona i nosiocima mandata zabranjena zloupotreba javnih sredstava.

Stavom (2) tačka h) istog člana propisano je da zloupotrebu javnih sredstava iz stava (1) ovog člana podrazumjeva korištenje javnih sredstava i resursa u svrhu direktne ili indirektno kupovine podrške birača tokom izborne kampanje, što uključuje između ostalog i pružanje jednokratne novčane ili nenovčane pomoći građanima ili kategorijama građana, osim ako je pružanje te pomoći planirano u okviru redovnih budžetskih subvencija.

Cijeneći navedenu prijavu, te dokaze dostavljene uz prijavu, Centralna izborna komisija Bosne i Hercegovine u konkretnom slučaju navedeno nije mogla razmatrati kao inicijativu za pokretanje postupka u smislu člana 6.2 stav (2) Izbornog zakona BiH s obzirom da se ne radi o kršenju odredbe člana 7.2a stav (2) tačka h) Izbornog zakona BiH jer je Odluku o finansiranju maturske večeri učenika SŠC „Aleksa Šantić“ donijela Skupština opštine Nevesinje kao predstavničko tijelo vlasti u okviru svojih redovnih aktivnosti, a sredstva za navedeni događaj izdvojena su iz budžetske rezerve koja predstavlja dio planiranih sredstava budžeta Skupštine opštine.